



Vita de ploania y de paisc

- **Domegna dal orí - envit: i periun düc canc da gní jö n plaza dan le paiun a tó pert ala benedisciun dal belorí por podei ensciö ince fá dedö, düc adöm, na bela prozesciun te dlíjia!**
- **Sontada dal Consei de ploania en lönesc ai 26 de merz, do messa: dis da Pasca, San Florian, abelí les messes adora y les zelebraziuns dla parora.**
- **Ocio! Le Comun de Mareo racomana düc chi co ven te paisc d'La Pli con l'auto da ne parché nia sön strada y da garantí che ince de maiús auti poi passé.** Dandadöt les domegnes, ia por l'edema dasera o can ch'al é zonza val manifestaziun, sozedel tres endö che la coriera ne passa nia. Emplü él da garantí la strada ledia por caji de emergenza, olá che ambulanza y stödafüs mess podei s'armé de prescia. Sön plaza dan paiun y dandadöt fora ensom paisc fossel gonot lerch. lolan.



Enformaziuns y termins

Perié y cianté cun le liber nò «Laldun le Signur»: la jöbia, ai 30 de merz, ales 19:30 te dlíjia de Badia vegnel siur Ulrich Fistill y Franz Comploi a daidé adoré le liber nò. Düc é bel enviés. En **dedemesaledema ai 12 d'aorí** vegnai a Al Plan.

Iade a Assisi/1: le Sorvisc ai Jogn organiseia adöm ai jogn dla Val Badia n iade a Assisi con Christian Ferdigg. Cösta foss na bela ocajiun da tó por jogn y jones dai 18 agn ensö. An peia ia ai 27 de ma con na coriera y ven zoruch ai 29 de ma. Le cost é de 200 € y tal prisc laete él le iade y le dormí con gosté. Por prenotaziuns y informaziuns: odette@jogn.org

Iade a Assisi/2: l'Uniun Pastoral Val Badia ves envieia a vijité Assisi adöm a Christian Ferdigg, dal 28 al 31 de otober 2023: • iade con le bus dla Val Badia demez cina a Assisi y endo zoruch • 3 nets tal Hotel La Rocca con gosté y cena • I podareis ciaré y se goder les belezes d'Assisi, ciüté de San Francesch, olache al sará n plajei por Christian, con l'aiüt de sü amisc franzescagn, da ves acompagné adencuntra ala spiritualité y ala cultura franzescana, vijitenn i posc plü sugestifs dla ciüté serafica. Le prisc por porsona te na ciamena dopla é de 285,00 € cun mesa ponsiun, le prisc por porsona te na ciamena singola é de 335,00 €. Iscriziuns davertes cina ai 30 de ma. Por iscriziun y enformaziuns podeise cherdé sö o scrí ala Holimites: ☎0471 838022, E-Mail iadi@holimites.com

La Ciasa de Palsa tól pert al proiet "Sommer einmal anders" y tól sö 3 jogn/jones dertan i mensc da d'isté y ti dá ensciö la poscibilitá da ciaré ete te nosta strotöra! Áste danter 16 y 21 agn? Spo candideiete ince töl! Termo d'iscriziun é vendres, ai 31 de merz! Dötes les enformaziuns é da ciagé sot a: www.sommereinmalanders.it

Comune de Mareo - le zenter de reziclaje Ciamaor restará slüt chisc dis fora de sajun: vendres ai 7, dedemesaledema ai 19 y 26 d'aorí, dedemesaledema ai 3, 10, 17, 24 de ma, vendres ai 2 de jügn.

Döt le bun a: Lois Craffonara * 27.03.1940
y a düc chi co á santennom y complesc i agn cöst'edema

Impressum: Ploania d'La Pli; redaziun Franz Rigo y Edith Willeit
Comunicaziuns: cina le **dedemesaledema** sera a Franz Rigo, ☎ 347 2310129 o ✉ ploania@gmx.net
Download plata: www.unitepastorala.org




Plata dla Ploania La Pli de Mareo Santa Maria dal Bun Consei

Ploan: Signor Klaus Sottsas
✉ klsottsas@rolmail.net

Calogna Al Plan: ☎ 0474 501006
Radio de Ploania: 93,00 MhZ

UNITÉ PASTORALA



VAL BADIA
www.unitepastorala.org

Ann A

26.03.2023 - Cuinta domegna de Carsema

n. 18

Ensciö dij le Signur: lu sun la ressozeziun y la vita. Vignönn co crei te me, ne moriará mai.

(aclamaziun dan le Vangelo)

📖 Ez 37, 12b–14 | Rom 8, 8–11 | Jan 11, 1–45

Nos cherdun te Dio co é nosc Signur y co nes porta la salveza. Cösta salveza ne podunse endere nia se enmaginé zonza la diventa cuntra la mort. Belo tal liber de Ezéchiél nes vegnel assügheré che Chel Bel Dio, le Signur, daür les fosses con les parores: "I ves soffli ete mio Spirit y i gnareis endö vis" (1ª letöra). Empormó plü tert veiga san Paul te söa letera ai Romans che Dio nes á cherdé con la ressozeziun de Gejú nos düc ala vita. Al scrí: "Con le Spirit co vir te os fajará Chel Bel Dio en de gní ví osc corp mortal." (2ª letöra). Tal vangelo nes vegnel spo cunté le miracul dla ressozeziun de Lazarus co demostra la potenza de Dio co nes pó salvé dala mort eterna.

Dal Vangelo do San Jan:

[...] ¹⁷Canche Gejú ea roé danló, ál ciagé Lázarus co ea belo cater dis te fossa. ¹⁸Betania ea dampró da lerúsalem, encer chinesc stadi dainciará. ¹⁹Trec iüdes ea gnüs da Marta y Maria a les consolé por so fre. ²⁰Canche Marta á aldí che Gejú ea tal gní, ti éra jüda adancuntra, mo Maria ea romagnüda te ciasa. ²¹Marta ti á dit a Gejú: Signur, sce te fosses sté atló, ne foss mio fre nia mort. ²²Mo ince sen sai: Döt, do ci che te preies l'idio, él el co te dará. ²³Gejú ti á dit: To fre ressoziará. ²⁴Marta ti á dit: I sa ch'al ressoziará dala ressozeziun l'ultimo de. ²⁵Gejú ti á respognü: lu sun la ressozeziun y la vita. Chel co crei te me viará, ince sc'al mör, ²⁶y vignönn co vir y crei te me, ne moriará mai. Creieste tö cösc? ²⁷Marta ti á respognü: Sce, Signur, i creii che tö es le Messia, le Fi de Dio, co dess gní te cösc monn. [...]



Lázarus, ví fora!
Jan 11, 43

📖 *Letöres dla Festa dal ingres de Gejú a lerúsalem | domegna dal orí:*
Mt 21, 1–11 | Is 50, 4–7 | Fil 2, 6–11 | Mt 26, 14 – 27, 66

Edema liturgica dai 26.03. ai 02.04.2023

DOM 26. 06:30 ora da disté!	Cuinta domegna de Carsema <i>Luidger, Larissa (Lara), Tecla</i> gran messa por dōta la ploania → <i>oferta diozejana por chi dal tremoroz</i> s.m. por † Carlo Kehrer, Tisler/Monza s.m. por † Carlo Kehrer, Mone 10:00 <i>gran messa a Al Plan</i> → 19:30 Via Crucis, con grups y uniuns
Lön 27. 19:30	<i>Haimo, Frowin</i> s.m. por la familia Complojer de Lex s.m. por †† Otto y Nane Peslalz y Franzisca Elliscases, Tlea s.m. por †† Vigile y Maria Comploi, Mōra s.m. por vis y †† dla familia Otto y Heidi Ellecosta, Gogn
Ded 28. → 18:00	<i>Guntram, Wilhelm, Ioana</i> les Staziuns con i mituns: <i>Ministronc, Schira Jonila, Zenter Families</i> dedō pissia dai scolari dla elementara y mesana
Dem 29.	<i>Helmut, Wilhelm, Ludolf</i>
Jöb 30. → 19:00	<i>Diemut, Roswita</i> pissia da Pasca por i Ei y les Eres y s.m. en onú de Santa Maria <i>con sig. Yves Kizito Menanga y sig. Klaus</i>
Ven 31. 07:20	<i>Cornelia, Guido, Benjamin</i> → <i>astinonza dla cern</i> s.m. a Al Plan
Sab 01. 07:30	<i>Irene, Hugo, Gilbert</i> s.m. de ringraziament y de suplica por la sanité s.m. por † Alma Obojes Willeit, Plazores s.m. por vis y †† de Mareo s.m. por †† Iaco, Maria y Rita Burchia, Val 18:00 <i>s.m. prefestia a Al Plan</i>
DOM 02. → 08:15	FESTA DAL INGRES DE GEJÚ A IERÚSALEM <i>Francesch de Paola, Maria d'Egit</i> Domegna dal orí benedisciun dal belorí jö da paiun, prozesciun te dlijia gran messa por dōta la ploania con la Pasciun do San Mateo s.m. por † Maria Pedevilla Ellemunter, Pinter 10:00 <i>gran messa a Al Plan</i>
<i>ministronc:</i>	• lönesc y sabeda: Sofia Er. y Timea • domegna: Alex y Samuel, Elias y Lucia
<i>i recordun:</i>	Maria Rindler ved. Daverda † 27.03.2022 Sr. Ludovica, Notburga Mühlmann, Balsan † 29.03.2014 Carlo Willeit, Selva † 29.03.2021 Regina Trebo ved. Hochgruber, Bornech † 29.03.2022

Dio dij de sciö ala vita

I ponsun do:

Ci n'él pa de chi co é morc? Ci sozedarál pa con nos canche la mort met fin a nosta vita? La storia dla ressuscitaziun de Lázarus se dij che la potenza de Chel Bel Dio ne se röa nia tla mort: deach'i sun tuc sö tal amur de Chel Bel Dio viarunse.

I periun:

Bel Dio, con la mort y ressozeziun de to Fi s'él gnü scinché la vita. Fá ch'i t'encuntunse dertan le tomp dla penitonza pascala te che te s'as scinché la vita.

Por Gejú Crist, nosc Signur.

Vesco Wilhelm Egger "Sonntagsbibel"



5. Fastensonntag

Als Maria dorthin kam, wo Jesus war, und ihn sah, fiel sie ihm zu Füßen und sagte zu ihm: Herr, wärest du hier gewesen, dann wäre mein Bruder nicht gestorben. Als Jesus sah, wie sie weinte und wie auch die Juden weinten, die mit ihr gekommen waren, war er im innersten erregt und erschüttert. Er sagte: Wo habt ihr ihn bestattet? Sie sagten zu ihm: Herr, komm und sieh! Da weinte Jesus. Die Juden sagten: Seht, wie lieb er ihn hatte!
Johannes 11, 32-36

**(Zu) viele Bilder nehme ich im Laufe eines Tages auf.
Was trifft mich, was erschüttert mich im Innersten?
Wovon lasse ich mich an- und berühren?**

I simboi cristiagn cuntés ai mituns (11)

Les rames d'orí

Con rames d'orí o de palma desco segn de ligreza y de pesc, tol ete la jont de Ierusalem Gejú: „Hosanna! Benedí é chel co ven tal ennom dal Signur, le Re d'Israel! (*Vangelo do San Jan 12,13*). Ai salüda Gejú desco en re. Mo Gejú é atramonter co düc i resc de cösc monn, Gejú é en re de pesc y d'amur.

Mo belo püc dis dô ven Gejú condané ala mort söla crusc. Sen scraia la jont: „Söla crusc con el!“ (*Vangelo do San Jan 19,15*).

La mort de Gejú é der crödia, mo le terzo de vegnel resuscité da Chel Bel Dio. Al davagna sora la mort.

Les rames d'orí é porchel ince en segn de diventa y dla vita nea pa Chel Bel Dio. Trec martiri, co á dé ca söa vita por la fede, ven raprejentés con na rama d'orí tla man.

